

程
侍
郎
遺
集

程侍郎遺集初編卷三

歙 程恩澤 春海著

戊子八月十四夜偕祁春浦中允昆明湖踏月

八

初九日差旋復

命仍入南書房

秋生玉宇瓊樓夜月在長楊五柞閒黑處樹陰明處水
紅皆臺影碧皆山幾年官耐侵銅斗一日春雷響獸鐙
似此蕭閒仍富豔何勞清夢戀江關

春浦中允以余卜居鄰近投詩相賀卽步元韻奉

酬

更謹酬知未敢豪漸看舊繡拆波濤論文喜得元才子
取友無如左伯桃願以清泉灌交讓何妨暖柏集寒號
用要嫌松柏寒聽逐桑榆暖詩意而反之怪來童僕皆親暱闔戶曾投一盞

西

春浦中允以余婦直齋奉母賦詩相賀仍疊前韻

侍學三天感二豪功名草草付雲濤

先大夫在尚書房行走十餘年

魚

軒曾借華林馬

時家慈會到澄懷園

鳩戲爭嘗御苑桃

時澤甫戲屢食賜

珍重埽秋窗迎竹笑漫勞夜雨起萍號

迎板輿前一風雨交作風

前欲博慈顏醉合乞宮壺九醞膠

題陶孝女割臂療母冊應王可權學博

金剪截臂肉流血被肢體壯夫且弗勝乃出十三弱女子一瓣墮地覓不得縱思再割手無力竭誠作氣爭頃刻氣偶一弛不自克弱女處此何從容一剪委地如殘紅再剪入水煎芙蓉兒肉如兒心知母病所行且攻兒肉卽母肉補母痲瘡母乃充母有病兮兒有藥強飲強食病不作吁嗟乎十三齡弱女子豈有沽名心宛轉托彤史設思親病親吟呻孝子便欲忘其身苟有一策可拯揀何暇計及要譽於友於其鄰訾沽名者胡不仁請

觀十三弱女子一割再割皆天真吁嗟乎一割再割皆
天真豈期名著邀

恩綸

春浦直廬後垣黃菊盛開賦詩見示卽次其韻

楚楚黃香壓帽斜鈴鈴秋影上烏紗曾窺靖節鬢鬢柳
菊以小而黃者爲上靖節所賞卽此種也五色種起于晉以後靖節所不及見不作重陽爛漫
霞地僻滯霜還滯雨賞稀疑草復疑花相逢欲以兼金
鑄特爲新筇舉畫叉

扈

蹕

東陵途 midpoint 占呈同直祁春浦

又作鴟夷託屬車滿斟醇酪腹如壺
斷窗取艸吾何拙
給札成文字甚都踏碎月華花款段
搖殘燈影錦屠蘇
毛錐也具封侯相寫到邊功膽倍
麤時皇上告西東陵

故御製詩中屢及之

雪後經冰沼上風景如畫

一白全遮一碧圓有冰如鏡雪如氈
潛魚黑失琉璃夢
遠鷺明投罨畫天屋角火溫千隊
筇塔輪風急四馳煙

羸驂合稱歸籠袖詩與寒花共壓肩

雪中退直賦呈同直祁春浦池籬庭

敗葭髡柳覆江岸中有老漁雪沒髻詩心畫手競撫寫
那識天上風花爛觚棱金爵皎於月不待東明已先日
白連龍尾幾千尺紅掩畫樓才一半溼雲封牖虬漏澀
香篆舞鶯鴛瓦泮風前烏鵲總駟狎午後貂狐各分散
九重疊下寬仁詔

大祀特獻精誠禩

南郊大祀之後瑞雪應時

故應呼吸動暘雨能使

人物無天鰲我曹藁筆書大有日侍

玉皇青玉案微吟便注龍香劑每食恆拜醜醜灌豈無
薑芽凍十指共坐暖閣春風幔歸來策騎經太液但見
丹虹飲銀漢可憐草竹半摧抑只有青松森直幹欲謀
一醉款二客其奈驕驄不受絆便當獨對冰壺子破竈
空庖無可爨明朝且緩趁官鼓時充國子監祭酒臥聽
寒雞聒枕畔

春浦和韻見示因疊答之

乘桴桴廣須至岸裁衣衣長宜蔽肝心光筆力爭一到
乃與張蔡同粲爛何人夜呼孔賓出翦刻花天繪霞旦

遂將郢雪蒼下里運筆如風燭未半鳩鵲雲從兩袖起
太液冰隨一笑泮君如蛩蛩我如蹙蹤跡年來幾合散
自慚鴟夸非國器乃使蕭艾同熏禿君適用若儉歲稷
我無成比不才鰲記曾同踏洞庭雪俯視岳麓平于案
記曾黔楚兩相望有酒相餉瓜共灌我於行部訪文教
無限生徒指經幔秋來同直屬玉館舊事蒼茫付斜漢
池波汪汪憶叔度謂左川先生直氣侃侃推公幹君詩近境
益神變天馬全脫朱索絆我詩成便自焚草君審聽謂
奇音繫筆僵墨凍正惆悵又見稽灰屑天畔

倒屣雪中退直韻贈池籬庭

紅杏先生酒尊畔扼腕屢歎柯亭舉行過古滇得池子

自詡飛黃入吾絆

宋芷灣先生其文詩集曰紅杏山房籬庭受知芷灣先生最深

可憐

紗帳已蕪絕剩對范陽盧子幹

余亦受知芷灣先生今先生已作古

喧傳

詩句

御屏上金管琅琅賦銀漢

用蔣防事

金秋持衡出關陝爭看

英姿扶車幔

籬庭典故子科陝西鄉試

拈來高第日五色鑄出椎成

劍千灌

天顏一笑賈前席

復

命後奉特旨入南齋

蓮炬兩行蘇侍案

彩雲在牖霧全駁碧雞來儀羽不暇

籥庭滄南人故用漁事

與君

搖佩踏初雪正值

紫壇禮圭裸黃羊大夫有羶行使我疑慕不可散

謂那春浦

汝南月旦去人遠到來恐已硯冰泮

謂許渙生時使黔回尚未到

君

才能造鳳樓五我書不及袁豹半神仙官府祇文字山

水清輝改昏旦

時余寓西華門外入直退直必過金鼇玉竦

壺中一語便移

暑每見人閒谷柯爛詩橋驢背猶憶灞冬冷兒衣總蔽

骨籥庭甫自關中歸

擬攜臘粥祭詩佛莫讓閩仙踞彼

岸

總憲潘芝軒先生六十壽詩五首

昊天佑

聖清嶽瀆生偉人忠孝荷兩肩五福備一身廿五魁天
下玉殿行麒麟四十躋尚書磊落社稷臣時退復時進
朝野知其仁一以致堯舜一以娛老親
出處關大節先求心所安親老胡可離

主聖胡可閒養志能延齡親壽如南山退補進乃忠正
色臨朝端會閔日益少公爲人所難稷離卽會閔易地
則皆然

孝養有畢曰

君恩浩無涯里居十數年心耳通民嗟讀書益精貫灼
見正與邪培善培其根遏惡遏其芽領袖獬豸羣開口
吐天葩揖讓赴容臺風度何輝華

時攝大宗伯

黝然一古鏡照見垣一方瓔兮一大圭人神肅相望渾
穆已難踈况乃智且明輔翼持大端論思握宏綱北面
萬弟子欲窺不可詳南斗聲環環太湖曉蒼蒼

三朝數耆舊四海疑公年公年甫六十人望如古賢不
以黑頭相易我萊衣鮮故能葆其真學養通性天富貴

身外物要以謀謨先槐鼎在指顧竹帛方爛然祝公劭
明德懿戒歌賓筵

己丑初春赴澁懷直廬步邴春浦韻

會記聯吟秉燭遊靈光舊跡杳難求感君才氣追黃鶴

謂左田先生

令我低徊到爽鳩起草猶留當日石

用薛元超事以先大

夫會直澁懷園近光樓也

踏冰重上夕陽樓

是日與同直登近光樓

壯夫有志

非詞賦莫惜江花不忍投

時春浦以經義治事自任

述夢一首用前韻

大鵬希有兩遨遊豈料莊生見彈求城郭都猜華表鶴

兒童爭唱白苻鳩春聲寂寞雙柑酒海氣彌漫五色樓
卻歎匆匆老夸父遺筇不作鄧林投

許渢生次春浦韻見示因步韻答之

憶昔拏舟明聖遊一天風月萬金求尋花不避雲中犬
側笠都成雨後鳩宦海東西同泛梗人生憂樂在登樓

時渢生任
近光樓

與君昆季相交處膠漆之堅一再投

上元後二日大雪次春浦同直韻

是誰乘夜襲昆侖素甲如荼萬帳屯鶴羽久留渾不辨
馬蹄才過已無痕割鮮我輩尊方滿待爨何人釜未溫

卻喜土膏能酥起東風一爲拔陳根

復疊前韻答春浦

彌漫柏節與松根綿纈羅羅了不溫祇恐乾坤填欲窄

卻教厓岸失其痕春衣花集初成賦用謝莊事貂帽人歸久

撤屯用王全斌事是日楊果勇侯入觀好向高樓縱文酒當筵笑墮玉

昆侖是日同直四人
在近光樓小飲

瀕生侍講用東坡聚星堂韻賦雪見示因次奉酬

疾風七日走雲葉吹到天山萬重雪欲填江海作平地

豈料橫空鳥道絕小垣積覆何足數老柏堅松亦三折

模糊那許稜角露方便遂教鑿鑪滅居人閉戶尙噤瘁
行者天涯正提挈茫茫關塞胡可度一夜冰淞鋼眼纈
時親串有遠適者故云都無貂錦易麥飯空把寒氊齧成屑願乞
羲和放日萼化此沈陰只一瞥誰家操籌茗方煮有客
對酒餅重說羨君吟罷復登眺凍後毛錐勁于鋏

題郎海西畫馬

吾聞天馬不受絆誰歟操此青絲韁拂耳頓足三萬里
草頭一點西風長絕其芻豆儻能走世豈復有參龍手
玉鑲金鏤朱排沫一戰功成骨先朽伯樂不及支公癖

許澹居鍊師適相送將軍邀共談
讌賦此寄益之將軍兼柬伯言鄴樓澹居

石城雨晝寒煙昏壯士十人舁大樽
綠幘傳鞞羅炙燔將軍華服來軒軒
我時艇繫青松根三客送我紛勸飡
我隨將軍駕短轅三客先入纏裘門
郎中的是都官孫羽客乃稱赤斧尊
汪倫話別殊消魂黃馬之辨炙髡髡
有詩都向將軍論斟雉在俎莖以繁
釀檀在醞盛於盆詎調醉呼墮崑崙
三客俱醺一客健時伯言病新愈或不飲獨食粥盡
攪離思歸虛渾憶曾高宴謝傳墩
將軍指聽青溪喧謂

與詩夢相吐吞我道卽是南塘園

半山寺卽謝公墩清溪一曲經此寺久蕪

將軍兩世葺而新之今春召飲於此

春月褪碧成秋痕且復雁叫蘆花翻

將軍一歎驪歌敦三客握手相覩覩我乃浩吁白其原
昔也三釜逮親存負米則勞意則溫今也南望徒煩冤
有草莫報春暉恩縱然天衢許小窳湛露難甦襟背萱
况乃不材嗟液楛羣友際此當贈言無使數數不憚煩
用王良傳語棹透泥兮統續緡欲去不去雲水奔何年再賦
角弓反記否白門烏榜村盛哉此會其毋諛

阻風幕府山下步楊子堅韻

憶昔石城艇子窮清遊筍將直指白鷺洲王郎放歌邀

我飲醇酒夢醒乃在江聲帆影之高樓

王郎謂竹嶼都轉

夏漲

入戶雲浮浮酒人畔散如風鷗邇來較道石城外新寒
噤啐侵我木棉裘打頭風裏人言愁攝山之行勞夢秋
祇恐蘚蒼石古經雨滑况復三神離合波悠悠楊風作
詩散百憂吐屬高雋神明適金焦一瞥便分袂荆江不
許幽人留何如高唵米船且沿流

雨盛不果遊燕子磯次楊子堅韻

江干青楓化爲霞秋水以外皆春花中有一磯挂林杪

道是銀漢飛來槎，櫂突萬古礙星月。嘯呼六代爭龍蛇，
峭壁垂雲幻錦繡。叢檣似戟紛杈榭，搖搖幢風佛倚閣。
渺渺廬雪鴻爲家，昔遊正值夏綠裏。時有好鳥銜餘葩，
今借詩仙蠟雙屐。謂子堅先喚漁父同杖屨，誰知冷雨鎖
荒寂。三日都打迴風搗，澌澌燕尾不可見。攝山一角沈
天涯。詩仙不到山不綠，得無象車不受誇。君乎琢句苔
石破，我亦題竹風鴉斜。

新開河道中卽事示子堅

江擁頽沙沒舊蹊，風排積潦破芳畦。今秋蟹稻幾無種，

來歲蠶麤不可齊，敗柳人支殘瓦爨。
荒蘆鬼守亂棺啼，沈陰愁殺天邊雪。
眼見單衣化井泥。

貂裘歎寄謝戴子宜郎中

貂裘遺自先大夫，先朝雨露膏且濡。
問年兩倍晏子狐，似貉非貉烏不烏。
然猶屢抗風霜靡，皮之不存毛附乎。
我亦簪筆彤廷趨，曩拜宮錦紅流蘇。
帝念近臣昔無襦，特賜豐貂殊麗都。
歸喚細君莫辟纁，裁以金剪量以扶。
亡何細君病且枯，無資可買南歸艫。
乃懸其裘善價沽，有客斗角黃金麩。
急送妻櫓返舊墟，譬以此

裘裏伊軀伊念我寒夜或呼我罔聞知淚映臚後奉

簡命涉雲湖有友復贈貂襜褕三拖受服古所吁三反
不受留其壺仍然一鞞混虎踰顛倒紫鳳拆海圖後又
拜 恩賜諸于謹獻北堂暄粟膚連年衰素衣敗帑鸕
鸕典盡蒙茸無一昨渡江將北驅道逢心交憫我瘖解
衣衣我珍裘嚠外文內勁毛豐腴慶雲彪炳晴虹紆曾
與上公龍卷俱再拜三歎感黃墟必值盛誼乃曳婁馬
卿詫好王恭盱上朝玉壘翔天衢下貫美酒亦時須因
思得裘何其劬十年一鷓未溼味從今雪花不上鬚都

道握懷辟寒珠遺簪墮履志莫渝緇袍猶是當年吾

雨盛不果遊攝山答楊子堅

有約不遊棲霞山有酒不酌明僧宅濫巾草堂已二稔
遍踏東阡與西陌如何不登最高頂一眺萬里江天碧
山中幽客屢招我我欲被褐振金策忽阻夏潦莽無路
遂合哀鴻滿其澤啼饑聲苦佛嗚咽洗盜人多鳥狼籍
祇今黃霧鬱如夢疑有嗷嗷首陽魄大風吹帆不得泊
珠浪拍天才一白神仙樓閣鎖雲表紅葉徧山無鶴跡
曲碕小港涓涓去但見扁舟盪詩伯

時子堅先泊棲霞港相候何妨

他日看不足已覺此行殊可惜不圖鄭監流民狀乃著
靈運登山屐

邗溝舟次寄別葆逸舟觀察

觀察古君子方寸特仁厚世變能洞悉否臧不挂口敬
慎了公事瀟灑對心友旣戀山水際復愛文字酒托身
雖朱門不貴印如斗襟抱似秋月以虛受萬有款款朱
絲琴豈落第二手

于我有夙契示我出肺肝知我至委曲爲我謀艱難我
劣聞道晚君以國士看深信遂移性投藥亦獲安月飲

更詩欲絮語到夜闌忽然几席近忽然海天寬三日不相見輒覺思覃覃卽今遠別離爭禁淚闕干

寒月照舵尾江水日夜風驚起雁失羣擾擾蘆之叢有客正懷舊不昧聞霜鐘歷歷遊宴跡沈沈白雲封何年更何地嘉樹吟角弓獨有五君詠依然圖畫中

謂五客小集圖

寄別林方伯少穆

方伯揅荒富竒策至今吳下稱仁賢嘉聲隆隆徹

天聽凡有艱鉅君其先斗維四郡水湧潰

江寧鎮江揚州淮安

百

餘年來無此愆

帝咨寶臣汝速往君乃猛駕金河船

君自河南方伯調江寧方伯乘黃河

船駕麥豆並瀛春同下

連檣麥豆載俱下秋汎方設強弓弦彥道

倘佯咏米編梅妻慷慨輕濤淵雲鴻有信萬民喜窮鳥
待哺干吭延入境遑遑不暖席料民審戶籌金錢手書
疏草達

當宁

絲言獎詡臚句傳江南粗定撫江北

江北謂揚淮兩郡

直躋東

海尋桑田一夫失所

聖懷歎千里如見臣心遊詩書愈飽才愈壯千辟萬灌

成龍泉泣官行法用剛斷，徇知恤舊仍纏綿。每當案牘堆筍束，輒展書畫羅青氈。謂以古香散壅滯，神明濯後亭亭蓮。况復腕藏右軍鬼，定招判乞張公顛。我渴憶君君憶我，十年不見殊欣然。鏡中鬚鬢各蒼艾，酒畔談議猶清圓。十年隔面會不十，我其慢懶君胼胝。卽從京口赴末口，備聞竹馬迎旬宣。君來弭節慰窮餓，全活奚止恆沙千。我別君後君不日亦赴揚淮一帶辦災盛名遷地定一轍，好事入手求萬全。我材瓠落不適用，三食奇字何能仙。况今乍失慈母教，瞿瞿以後茫茫前生逢。

堯舜不敢退欲以孤介行其顛箴砭吾過賴良友自顧
不見伊可憐贈行已貸監河粟結意復授明珠篇山水
清遠難爲別且未暘開文酒筵它時神馬儻相值一笑
先拍洪厓肩記取石城兩槩去小春疎雨芙蓉天

題林暘谷年丈餉鶴圖遺照

眸子澂明骨相清綺年文筆早知名六經貫弗尤耽易
先生尤邃易理繪取中孚子和聲

海山清水自生肥養得車輪玉雪衣天下共知鴻鵠舉

謂少穆中丞

夢中親見鳳皇飛

中丞名號與孝穆有關係

仙糧分罷劇蕭閒看竹尋梅偶啟關但看南飛不西笑

九重拈出六朝山

方中丞陳臬陝西時太翁不就養後乃蒙聖恩曲體升任江寧方伯以

便板輿之奉太

翁欣然就之

八十臞翁尙苦吟雲重霓旆印仙心人間欲識林君復

合向江郎石畔尋

太翁望江郎石詩云霓旆今雲車仙之人招余竟絕筆于此

菽水長留勝鼎鐘

翁句也

枯魚銜索感無窮十年一樣孤

兒淚付與蘇耽叫朔風

澤與中丞先後銜卹今皆解民傷哉

高郵湖卽事

簞社湖中弄明月一彈指頃廿餘秋

憶廿年前曾以扁舟過此湖大

珠已別孫莘老小令空懷秦少游紅葉打頭何處樹白

鷗飛盡一扁舟而今重憶任公釣知有潛蛟伏巨湫

撞破仙人碧玉壺顛風一嘯萬家無

本年六月中馬棚灣決口數十丈

難將剩粟償饑雀賴有長菱採餓夫

時興工人駭以工代賑

東海

波臣真蹇蹇西山精衛亦劬劬兩番毀擣春容過始信

回天

聖德無今年春夏兩次洪河異漲水高一丈九尺餘高堰幾決幸西風每發不過半刻非聖德柝幪

何能神異若是

題張芥航河帥願遊第五圖

天台觀瀑

吾聞治河青玉書藏在珙岑珠岫雲煙閒神禹拜後蒼
夸還會稽宛委祕已出左顧尙有天台山梯巖援葛欲
到不得到但見飛流千丈倒挂銀河灣劉阮姁兒女
顏那識雲華妙用芙蓉冠雲華夫人
佐禹治河延州大帥負俊氣
丹壺熟讀疑叢殘心知碧林玉闕有緘蘊足跡不履神
其慳願遊十圖浙得三雲將拊髀雀躍終盤桓天姥之
夢已飛度少文有畫先臥看吁嗟乎少文有畫先臥看
我亦傾倒興公一賦標霞丹

題張芥航河帥願遊第十圖

輞川倚杖

右丞畫筆照千古以畫點綴成園林况當山水清妙處
一鳥一松皆解音功成身退儻得此綠野平泉皆下矣
誰歟寄托出深意關西詞伯張夫子萬福威名草木知
主尊大勇東南毗苦心久夢繡衣使赤手能縛巫支祁
天顏左顧見砥柱不到三槐不能去久旅忘家禹所
歎見响那得蕭閒咏芳樹矧今燕絕藍田莊無地可起
樓與堂問君倚杖定何處門前春水桃花黃

邳州道中

十六年來此重過石梁全圯水增波樹如客鬢凋疎早

路似人心坎廩多但使耕桑歡畎畝不勞詞賦動關河
行蹤已踏天涯半豈料羸驂困碾窩

差馬行

王營雇車客欲擇馬牙僧輒以肥應三里涉鹽
河車以舟馬則泗僧以瘦馬泗而過肥則匿之
主僕皆不知卽駕以行

書生苦路長差馬願馬良牙僧牽來果肥俊四蹄蹄鐵
耳削刃以重伾伾猛且迅馬鳴蕭蕭五鼓渡頭載車以
舟解驂而泗隔岸見馬影匆匆駕車走昨日馬如龍今

日馬如狗主僕懵然皆不知但覺馬鈍鞭絲遲今日牡
而黃昨日牝而驪吁嗟乎孫陽相術流弊抑至此驂騮
甘受皮相死

魚山二絕句

神弦各奏豔歌長佳傳猶留鐵研香西晉才人多似鮑
不知何事悅絃郎

東瀆金隄患最深武皇英異亦驚心此山平後功難已
惆悵秋風直到今

過腰站有感

廿年清議一身持四海賢才到耳知叔子去人真遠甚
房公食鮓最淒其爍金安用羣兒謗投杼終教阿母疑
議到白雞諸事了有誰箠響激桓伊

富莊驛盜警

交河有驛名富莊市塵闐咽衢術長使臣輶車旅羸綱
風宵雨晝行洋洋客舍十漿饋五漿竹肉靡聲燈燭光
犬吠不驚雞不荒行者指稱安樂鄉不知誰何齎盜糧
盜匿其室登其牀夜出剽剗刀如霜十五五手戟槍
捷若飛鳥來屋梁東縛壯健揮羸冠恣斂金帛膝篋囊

開門大笑各詡強才墮西鄰又東廂旅人駭鋒跪獻裝
居人糾徒相守望我夢驚覺心傍徨但聞火器雷砰礮
都知錄事紛踞牆各握利刃聲高揚儼如登陣爭堵防
盜殊閒暇行翽鷄投閒抵隙仍相嘗倡盜東矣西攘攘
倡盜西矣東皇皇人聲稍微盜語唐盜盜何悍勇人何恇
孰主宰是使猖狂我求其故不可詳牛缺大儒且被戕
王鐸盡室皆喪亡吁可畏哉遇迷陽迷陽幸勿傷吾行
况當世平年豐穰青天白日鼠跳踉錦衾肉食狸奴藏
是誰之咎當評量

憶昔

憶昔最高樓，溫簾夜上鉤。清談數鄙桂，佳句門應劉。老

父歸何遽，羣賢歎不休。惟餘起草石，常共綠苔留。乾隆朝

先君直尚書房，寓近光樓乙卯之冬。先君視學山左，隨卽歸道山，同直羣賢歎息不已。

憶昔樂泉西，高荷拂馬蹄。板輿花底卸，紗幔水邊齊。

賜果親先拜，分甘幼共攜。那堪春夜月，來聽哺鳥啼。道光

戊子之秋，澤奉命重直南齋，寓樂泉西舫。時先慈尙健，就養來園，輒令思之，如同隔世。

憶昔老涪翁，詩壇表大風。人如秋水白，天與夕陽紅。自

詡千言得，何曾五技窮。靈光吾亦仰，絲竹擁江東。田左

憶昔墨痕蒼雲崖十載強新詩闋鄒魯古賦動侯王桃

實成三竊梅花醉幾場不龜如可錄願獻百金方

澤自癸未

春與祗春浦庶子同直澄懷園賦詩至多時左田師常和之又元夕賜觀鐙命作賦澤以古賦獻時賢稱之計戊子之秋壬辰之春凡三直澄懷矣

吾同年友沈栗仲取炎陵旁梓爲琴以予好談琴

理以爲雅似因舉一贈焉子學之三月不成聲

將輟乃漫謂栗仲曰琴理予已得雖不能操縵

何傷栗仲曰凡精微必始于器數今舍器數究

精微譬若舍實踐談性命禪門所競儒門所呵

也曷囊琴以待知者我籥庭先生能彈而無琴
我蓄琴而不能彈因舉以轉贈以還栗仲之約
于其行以詩勝之

炎陵之梓西淞弦其聲來自秋雲顛秋月泊水水泊天
十指以外皆流泉沈侯鼓琴得琴理不在弦聲不在指
夜深危坐盡一卷其味醴醴與琴似無成與虧彈不成
我欲虛盜淵明聲沈侯輕笑姑舍是不入器數焉識器
數精大弦琅琅老鶴鳴細弦啞啞雛鶴清似斷似續似
欲罷不得罷魂夢已歷江潮行此時無聲有太息外

鳳皇當戶立香鑪茗椀俱靜好翠竹紅梅各顏色我友
能彈不輕彈神理悉與琴相關大虛惟漠惟澹泊下視
人世殊鹹酸手脩太平潤鴻業只在 殿角薰風閒快
雪封條拭琴漆送琴出門杲杲日思君重話寥天一

醜女

井里有醜女七竅俱不正工藏自塞兌媒妁不許偵日
行蒙羃羅夜坐背燈檠賦命不窮薄遂得兼金聘其智
昏菽麥焉能庇家政萬人所吐弃野宿不失行以茲結
歡心謂秉貞介性狎習日既久不以貌爲病寸良未盡

昧自照怒擲鏡如何天壤閒容有面首倩寧使血嗣絕
不令姬媵并睽睽十目視一手眼弗竟但解判黑白難
免動嘲評且夕歡意改姚冶鬥華盛百惡盡顯暴厭斥
等梟獍長歎愧其侶投身入深穽

果子狸謝祝蘅畦同年

百果精華化玉膚千狐文采作襜褕深憐諸葛蔑鈎輅
堪歎張蒼肥瓠壺瓦甑松薪差免俗牛刀龜手故嫌麤
昨宵夢到秋山裏梨栗成行兩兩呼

初春澄懷園酬春浦兄見柬元韻

眼昏投字隔甚霧丹黃一錯六州鑄時有凍雀覘新戶

側聞尊師此小住百年慨人十年樹

問松亭師在此小住師前在上書房

而澤所居爲宋文正藤花老屋

請君低徊循故步

松亭師春浦兒牆頭皆舊遊激懷者

過酒我來顧何日了此蠹魚注

春浦復倒鼻前韻見柬又和

君才洋洋海東注猶復戀此蟾諸顧我憐捷逕徒窘步
夢裏梅花三百樹兩番結鄰桑下住夜看星辰共開戶
有鏡須向江心鑄照徹寒天十重霧

春浦三疊前韻見柬又和

殿前走馬拂花霧，人道子昂無可鑄。獨抱明月掩朱戶，
便欲回山作長住。誰知上林借一樹，天路漫漫此鷄步。
君到要津莫回顧，洞酌忠信須挹注。

春浦四疊前韻見爽又和

此閒大隱如隱霧，奚必躍冶求金鑄。奇卉映圃書當戶，
君心妙靈無所住。翯然文鳳集溫樹，新詩捷敏止五步。
入門大笑君來顧，招我駐聽糟牀注。

君飲酒溫克
喜招人嘗醕

挈眷定居藤花老屋

銀河左界雙栖處，三面披光帶茂林。馴鹿過山知草馥，

流鶯啼雨覺花深，暑天破睡卿能繪。
遠道衝泥我獨吟，記取歸來柏冬日。
枳籬藤蔓總成陰。

和祁春浦兄望雨詩韻

膠水萍殊澀，穿衣絮尙狂。
雷爲風奪響，雨讓露專涼。
但曝竿頭麥，須春石上梁。
南天尤待澤，收涕攝羸尙。

未到呼號際，先祈黑蜥祠。
農情隨地改，聖敬有天知。
卜坎將盈缶，占雲已蔭蓍。
應成洗兵兆，早晚待紅旗。

奉賀春浦五兄出右庶子擢翰林學士

虞戈流電笑柳筆動，天心豈但飛騰速。
方期契合深。

清神兼卓識密緒發高吟話到經綸際遺編耿獨尋
主聖酬知易親嚴養志難趨公無過舉退食有餘歡永
日君羹美晴空鳳羽寬惟憐老秃筆偏戴遠遊冠

答叔穎兄謝石首魚詩意卽用原韻

江鄉曾小住風味逼春來尺鯪騰浮玉珍鮓聚大雷白
傾鮫客淚紅奪美人腮石首持相比翻成螾螻才
此品津門貴家家倒酒罌須知吳國鯨能勝陸源鱗白
石何妨煮青蔬可佐烹未招鄰父飲聊獻小人羹

偶成

百鳩齊喚雨一鵲獨呼漑天意殊無定雲心未可彈柳
柔風抑抑荷正露團團收我觀魚興危磯倚釣竿

古意

霧淞復霧淞農人覆飢甕木稼復木稼達官聞之怕達
官畏死畏失職求爲農夫不可得農夫歲歲求豐年達
官夜夜求神僊

西鄰東祁春浦

三日琢出琉璃天導我遊者水鳥先詩廊步詩倚一椽
夕照送到西鄰煙先生我與君卜鄰凡兩遷水容山態

都依然只有霜雪侵吾顛登臨惆悵私自憐梅李桃杏
年復年身非金石何能堅但思善閉遺鉤鍵肯以豨膏
運方穿昔也往蹇今來連東風畫空晴日妍寶釵樓上
通侯眠何如吾儕岸牽船面面見水窗窗圓與君夏約
寄浦蓮恐君仗節惟則褻獨我守此鯁桓淵看取魚戲
青田田君詩三復馨若荃華不繁縟巧不儼郊居一賦
君其傳

過連口

犬性不吠日嗾者職其咎屢奪犬食食犬急乃狂吼訐

告及誘民憑仗吏爲剖右民而左犬犬怒積益厚食飲不外索刀劍恆在手惟鹽惟硝磺非儲不能有聞已數年辦欲備一旦蹂胡爲典牧者蒙耳且杜口

威信在平日不在臨事時機宜在頃刻不在眾寡爲始雖墜咸池終能奮澗溜或冀寬大恩不責遷延師

狻性慣仇殺必有人與里其人既可竄其里亦可徙人里俱不見仇殺矣自起通言必閒諜閒諜卽姦究果宜爲我用虛實易知彼宜戰或宜撫此閒有妙理自古失機事孟進與畏蔥

陽明平泖頭計禽池仲容及受桶岡降幾敗瑣匙籠神
威攝其膽行兵疾于風向欲逞詐力萬死希一功使不
謀略周反被蝨賊虹所以斬諸生大藤推韓雍

有感

美人一笑千花紅眼波流入人影中人人衣上生春風
夫君裹我錦繡叢噓呵聲咳都避儂恐一彈指傷芙蓉
誰知此志能當熊昨日上堦幫帶結今日登樓鳳釵折
何日相逢訴嗚咽

雪宴西北樓
訢春浦吳淪齋兩同直

雪宴西北樓春色來大荒是日將軍歸說劍飛星芒彈
指四年餘鴻濛別雲將今日喜搏沙苦祝無分張西屋
臥士龍東家接王陽咫尺地迷界關闕天際祥瑤岫排
玉林銀漢連紅牆賦餅招詩豪脫裘酬酒狂旣呼祁孔
賓復憶斛律尤吳子闖然至談笑同藜牀畫出激懷圖
何如負氏莊

吳仲容選詩圖

吳君行政若琢句果力精心不旁鶩吳君選句若選才
廣甄約取能別裁翰林主人賢太守永叔荷花柳州柳

九重溫語慰循良萬室弦歌動星斗簿書如山磨不
磷玉壺秋水凝吾神三生結習愛佳什批風判月書白
雲書堂夜靜高呼嘯都是越儂莊舄調一家選手續丹
黃十萬詩魂向君笑人誇浙派君不謾人訾浙派君不
憑破除門戶還風雅知君是有心秤者

春圃五兄以鷺脂見噉先有詩來此荅原韻

羽毛脫盡空留翠何處書生可寄籠黑白我無苻朗辨
咨嗟君有右軍風聽經聲寂薈騰睡卻月留垂自在豐
如此有丞良不惡於陵絕倒出哇翁

大隄

大隄坦且夸絲楊翼成帷前有蒲輪車後有黃金羈花
天逐隊行夜月無聲馳問誰實築此前人好爲之連朝
剝猛雨積潦東西歧淺者生白窠深者化污池問誰實
修此袖手無人尸吾恐弃弗顧遂壞不可支苟有荷雨
者當往助其疲

澮水放舟六十里至濠港作

夏潦潼激涂軌壞板橋映空去如芥騰波欲躍馬足汰
亭長搖手館人戒曷不乘舸下澎湃惟予素慕五色澮

一棹闌入琉璃界水葑風裏白鷗外飛墮遙天一峯騰
愁霖廿日宇宙晦安得殷紅夕陽曬可憐篙底豆田大
白梁雖成未卽艾去年水厄感凋瘵冀今秋熟乃償貸
旅人三祝水速退誰知鬱雲漸破碎烏有晴聲松有籟
卻歎湖船卑且隘人坐匱底仰啟蓋良朋促膝話儕輩
喜其遲放惜其快忽聞騶從聒叢蒼舁者紛紛促行旆
回顧帆影失前瀨拋錨又走泥塗內

傾城

傾城一笑玉無瑕慣作新妝惱孟家纏帛織織輕采鳳

翹鬢楚楚幻靈蛇但教翡翠娛蘭畹莫使蟾蜍蝕桂華
一樣笙歌明月夜南樓蕭寂北樓譁

廬州吟

廬州淮以南第二重鎮也其地博大爽塏有山
不當孔道有湖越在偏隅是人事必爭之地而
非天險不可度之地自來兵家談阨塞往往以
廬爲天險非未曾目驗卽相承剿說耳作此正
之

有山不當孔道阨有水越在東南隅北來不及濠若壽

南走僅恃桐與舒頰嗟千騎飛入境復恐萬艘直擣湖
自是戰地非守地以戰則克守則愚

壬辰五月十七日

臣

恩澤典試廣東時方需次未

與考差出自

特恩感而成賦

方慙東郭未吹竽誰料商邱竟索珠一釣六鼈憐力薄
十年二賦果心劬山中玉棄諸生泣爨下桐焦 聖主
吁試讀遺賢 新詔語吾儕何以荅唐虞

易京懷古

京憑如礪築崔巍女使傳宣鐵戶開忽見梯衝天上舞
不知樓櫓地中灰謀身那及田疇固剗險須教石虎來
既讀兵書還避世癡兒徒抱自焚材

易水懷古

有勇不能神擊刺非所詳吾恐魯句踐不過秦武陽既
稟神勇資擊刺必其善吾恐百鹿盧不敵一句踐藥囊
提匕首一足廢鹿盧誰謂老荆卿翻困夏無且將軍已
冤死督亢安可復何如高漸離從容一錫筑

苦旱

三月京畿一雨艱陂塘成徑井泉漑庵風卓午蒸炊熱
重露深宵噤啞寒海畔乖龍呼不起潢中女魃怒相干
祇今處處皆祈禱活我官羊不忍餐

京南一帶亦旱因屬地方官斷屠使

者亦斥絕肉食矣

河間道中

杜癖與和癖於人了不同賢王聚書富姘女數錢工靜
日管弦語寒宵剽掠風我會逢盜跖幾爲舊擅窮

去冬富莊

驛盜警通

夕不寐

素食

家貧不能辦素食食鮭乃有二十七爛蒸鷺鴨是瓠壺
拆煮牀簀爲花豬生耳唐園負此腹每喚周妻罷何肉
况當炎暑騰騰蠅蚋集縱有候鯖亦當覆綬甸以南數
百里土渴風漉井無水已聞解禱動閭閻應使腥臊斷
刀几吁嗟乎使者旣無段公術又無束生香坐致甘澍
隨車箱乃率徒衆飽此大官羊方丈一箸干陰陽何如
飲水作齋保吾素自啟筠籠放雙兔

東阿道中

陶邱荷澤都無涉賸有安山一道清七十二泉連趵突

伏流何處不分明

舊縣

穀城古且秀面面好山遮立土墉千雉清陰蓋九葩車
行深巷觸馬踏亂流斜猶說檀公壘虛糧斛萬沙

阿膠

沛南名士水天外鳳皇膠古有生金用今爲敗鼓滄傾
囊殊黯黹款戶故喧膠安得書三券來占鼎六爻

東平州

節度天平古鄆州中都亢父望中收西馳宋汴無關隘

南下淮徐等置郵蠶尾山前雲似夢虎頭崖畔雨成秋

我來一洗呼號耳

人山東界雨甚調

鬱鬱長柯已沒牛

汶上道中

俯入一村綠倒涵雙沼清燕披松雨屑鷺助葦風聲瑩

石新場圃豐碑古姓名遙憐牽挽處五復正縱橫

開河水少

牽挽不易

途中有以姓名不見 朝籍爲問者作此解嘲

露坐占星客有疑異哉象罔竟何之百官表上公亡是
八月槎頭某在斯敢畧玉皇香案吏應吟賈客木棉詩

豈知僕僕羣僚底寒暑都無沐沐時

魯道

嶽雲樓畔館花妍說水橋邊墨刻鮮胡祿獻漿才一面
林宗埽地又經年昨冬過此綠陰深巷童爭果夕照高原馬
急泉猶憶計偕奔走日柴車茅舍雨如烟

彭城

山環如玦水如弛繫馬臺邊儼望思孝伯語言張暢荅
佛狸風采寄奴窺江淮遠帶真屏幃楚漢交爭古奕棋
不道昇平全盛日隄防黃汎抵雄師

從來治劇用蒲鞭坐使清風滿市塵捍水大蘇通上策
馴兵敬德握雄權卽今城角交流處終古樓頭兩賦懸
我欲輕舟看飛沫了無忠信涉濤淵

謂呂梁洪

宿褚莊作

宿州所轄驛

辛巳五月杪奉命使西蜀初握衡校枋且喜且畏縮
退食告慈母慈母歡意足屈指不十日便欲膏棘軸呼
兒整書筴飭婦理箱篋婦亦粲啟齒扶病爲檢束強起
頭涔涔弁行足踏踏俯歎病漸深仰歎我行速血敗內
風發歐噦幾絕粟帶孔日以減消到臂上肉我時迫事

霑臆卿豈返仙籙誰料卽諱日從此奠羹粥彈指十二
載封輅又南服六月十七日我在褚莊宿振觸昔年事
淚若雨瀉竹人生情難割死與別相屬忍死不惜別其
意殊慘毒死究不可忍別亦莽難錄年來心力憊實爲
感風木老母健存日事事可欣祝今母棄兒去如夜失
其燭不敢負所學焉敢覆公餽上思酬 聖恩下欲被
邦族尤當薦賢哲以備荒歲穀區區兒女懷擾擾風中
蠶用韓句曉月吠村犬暑幄舞檐蝠僕夫起芻秣明日又

山麓

愁勞

去歲瘡痍猶未復今年穡事可憐生眼看嘉穀高低熟
心折愁霖日夜傾三伏赫曦蛙叫斷一天秋思鷓啼成
不應空際江河注似有蛟龍鬱怒聲

旅困

泥行無輜水無舟一任肩輿莽泳泗欲逐東游雲將速
翻成西域賈胡留公程刻日奚能緩凍雨懸河且未休
最是漏痕催客起三更不韞卷衾裯

旅愁

僂民昔行役慈母虔祝天飄風暴雨會有時無使子季
逢其遭母祝甫出口兒千里外身安便兒今行役無母
祝舟困於水車困陸困極呼母母不復深恐迷陽刺吾
足吁嗟乎豈無妻孥祝紛紛不如吾母一語神

渡淮卽事

汝潁沙渦競短長還收睢澮五文章遂磨洪澤而東鏡
似築深江以外牆天際數峯眉嫵翠中流一畫墨痕蒼
卽看歌舞雄都會何處風雲古戰場

臨淮曉發

糝地輕黃沙似雪蔽天濃綠柳如帷畫橋東岸空明水
多少英雄照鬢絲

途中有懷邢氏園寄醴泉竹心兩上舍

表裏皆秋水廊西復榭東竹閒鐙火碧花外月輪紅枕
簟通魚夢茶瓜付柳風尤憐老昆仲清絕讀書窮

愛畫迂尤妙能詩麗乃才三秋率爾會二仲闖然來

謂伙

惺垣楊子堅

眺遠連移敞談幽密室開時聞笙鶴響西畔卽

蓬萊

西畔卽朝天宮

十圍秋影窳

水華

一院古香多

老人

語穿楊柳樓陰壓芟

荷塗雅翻賸罌繡佛卷輕羅

予常作書婦繡佛

最愛新黃月全

家俯夕波

文謙推車輩華堂雪爪痕好花園竹肉嘉樹覆兒孫媿

我依鴻廡

予去此園時榜其亭曰賃春

攜家隱鹿門主情深似海三

歎卻離尊

溽暑愁霖際封輶晝夜馳壞垣無可館唾井亦須厄馬
首多鄉夢烏巢感故枝何時酩酊醉重造習家池

所見

土阜相望五里餘劇驂午午樹疏疏羸綱月壓柔紈篋

帆布風隨大木車井幕有人喧
甕盎戎樓無卒裏籬籬
可憐茅舍明才啟已有村童朗誦書

合肥城外別家三弟惠浦

金斗城邊路先人有舊蹊

先大夫少時依合肥令張蓀圃先生讀書縣衙聯牀

非意料騎馬又分攜

恩戴三山重文愁五色迷歸途

傾菊酒重聽汝南雞

有饋生鷺者積至五不忍殺撤棘後送海幢寺養
之作詩媵其行

舒雁腴於食稻臆庖丁厲刃正相呼定知不殺非無謂

留與人閒逐短狐

聞道禪關闢大千浩然生氣貫南天依稀曇磬村邊路
一盞清齋五夢圓

雲飛水宿恣長鳴豈料來支鎖院更此去聽經還聽講
好脩來世作書生

石華勉士兩學博拏紫洞艇追送於海珠寺畔設
飲談至三更許乃別

海珠石上攤星飯愛此南溟未易才一見渾如舊相識

二年前已夢飛來

予主席鍾山忽一夕夢游海珠寺

文章遇悟頻看劍

翰墨緣深數舉杯良夜三更風露白尙疑身在越王臺

謂前此看

月之舉

姊妹花

順德縣女子往往不嫁聯三五姊妹行樂自如
雖髮白猶處子也

姊桃根妹桃葉東里西鄰采香妾聯成一氣同心花三
十四十無夫家不徹環瑱亦不嫁鳩媒造請必遭罵每
當秋月春花天踏歌聯臂來闌闌拾翠嬌慵大隄上彈
棋放誕雲屏前陌郎相戒不敢顧恐受指爪空中鞭翻

嘲陌郎馬如狗閉置車中作新婦
參軍鍾氏詎能過道
蘊王郎隨地有君不見六女竈下養
三妹青溪姑五家
合隊如貫珠一雙擁背同瓠壺
修到果州寒女謝自有
雲中鸞鳳逐

舟過泰和喜晤攝令張南山同年邀登快閣歸飲
於衙齋別後得詩四首奉寄

十年睽張侯一笑登快閣渾忘別甚速且述相見樂出
處憂患際耿不廢著作必逢斷聖質急告不待索長筵
爛漫興良夜深踐酌莊語閒諧語思之恍如昨續歡在

今日今日日又落下有東逝水上有西飛鶴

海南五色羽縛爲君子筆如何署紙尾祇合畫雲日不

讀城旦書焉知堯舜術君相識其循楚澇撫忘逸

君任黃梅

時辦水穴極妥善小試步文節江月照萬室快閣六百載魚鳥

又聳聑卻顧名山藏著書比於櫛高賢羅滿堂夢寐拜

甲乙

君輯國朝詩人徵略先成六十卷

長年狎驚濤厥舵不在手卻使制奔馬馬亦馴不走才

高百適用慎勿掣其肘用小不若大用新不若久赫赫

未一舉齟齬已眾口毋被宵小測必照罔兩醜千譽定

無譽含垢實濯垢古大有爲者做屣視印紐

初筵劇快意談論出肺肝燭至促客行沙水舟漫漫一
夕償十年求友亦大難狷性匙心計勢交多面歡況乃
道蓺契植根天地寬神劍飛合時重取焦琴彈

機女

天孫親付九張機手爪纖纖任意爲左顧鴛鴦裁錦捷
南飛孔雀織縑遲當窗恆斂千金笑掩卷羞看十索詞
何事樓頭聞太息昨宵弦管嫁妖姬

市娥

彈箏跼屣上高堂
墮馬鳴彈鬥異妝
水畔洛神留后羿
圖中天姆教羲皇
媚人嶺表收奇藥
獻客江南解玉璫
卻笑西鄰蓬鬢女
五更寒月照流黃

過桐城憶羅子銘詩以代柬

憶我天真友
披猖老未休
有書娛寢饋
無路取公侯
性厚肺肝熱
言迂枝葉稠
鹽車嗟力瘁
猶爲百賢留

衛虎顏如壁
袁羊氣似虹
阿漉年少日
醇酒婦人中
博雅恆驚座
疏狂慣惱公
邇來消滅盡
久旅一鐙風

九日登高會三年一瞬過

君前年訪我於鍾山書院
時值重九登翠微亭一敘舊

琴幾欲尅新劍喜重磨鹿起遭逢易

桐城爲往來孔道君在樅陽距桐城

不鳩茲問訊譌

時君往蕪湖

鯉魚才網得珍重寄江波

南海求珠去曹騰昧夜光旅愁店且疥

子去時病痞歸途病疥

故

態醒而狂朗月懷元度闌風感孝章何年更何地重話
打毬場

重陰

沈陰不散地埋憂冷雨三旬苦未休幸不侵陵農事晚
已難消受旅人愁蘆花溼處哀鴻泣蕉炬炎時凍雀投
卻詫北風如虎怒盡吹清淚落南州

夜聞鬼車啼有感一友

天畔笙簧旋其聲清且圓方士聞之喜欲顛云有仙樂
迎吾前九首復九尾厥狀怪且詭兒童聞之振犬耳云
有黑祥將降矣徵諸古童謠鶴兮更鴟兮久雨必西驚
久晴必東栖載鬼盈一車其說無所稽徒以八音繁會
十脰竒耳目之內紛見疑如何尙作摩雲嬉勸爾潛形
伏海島無使吐哺相公懟妖鳥

木冰

乾雪不封條溼雪常裹樹冰凜散作千林花寒氣蒸成

百里霧日出團團雞子黃重雲渲染素月光遠人遠馬
一瞥過如夢如影空中颺吁嗟乎三旬冷雨茆檐凍薪
米都無腹空洞憑仗來年覆飯甕

過臨淮關喜晤鳳陽令廖君達

名大聞

我獻鳩車始君登虎榜

初君爲先大夫壬子科典試所取士時余方八歲卅年

慳把晤一見重脚踏俊鶻盤拏健文珠表裏虛循聲符
衛颯英斷奪裴譖尙困仇香棘誰題仲舉輿老成多策
畫清望謝吹噓使者歡傾益高明笑執祛燭筵紅爛漫
雪徑白開除民瘼如飢已雄談實啟予恭聞九折臂勝

讀十年書逸矣師生際傷哉父母且後堂彭子佩高業
魯君魚感舊烏烏笛懷歸得得驢求珠曾嶺海弭節又

淮徐積潦前乘輶荒流此杖屨

六月過此大水傾水更大須乘舟由淮入沫口

情深盟古井別速指遽廬黃海思招隱桐鄉已卜居

惠政於桐城因卜居焉

歸耕吾願果相約帶經鋤

定遠道中遇雪

木落淮南雪已來平原一尺豆稽灰混茫雲欲排山至
料峭風能勒馬回莫歎茆檐薪似桂且看金井麩如堆
征衣溼盡渾難理自擁寒鑪啖芋魁

過舒城喜晤曾望川同年爲題尋春小照

雪中羸騎暑中鞭孤負尋春爛漫天誰似能詩曾子固

眠花躡柳十餘年

望川歸田已久

七旬風骨尙清翹燕玉周妻兩寂寥自是人間仙鶴下不知世有阿龍超

老圃秋容擁軸適一尊相對快如何往來數數吾能事只恐王良負友多

淮漲

淮肥交漲澤陂連一碧混茫直到天翦翦鷺行風外絮

團團雅點樹頭煙
梁稽噩立魚鰕聚柳頂
平髮荇藻纏
莫詫天寒波不縮
洪湖近欲塞爲田

河決

決於人也
有陳端者
溯河田冀成
上腴夜集
千人舉
甬而河遂決

有人夜半決金隄
坐使黃流改舊谿
河伯已眠驚欲死
愚公此舉太無稽
誰能糾合千夫甬
只爲膏腴六斗泥
壞我濯龍淵欲盡
長淮東注溢而西

淮漲

君不見浮山作堰
遏淮水鎔鐵欲錮蛟龍門
一朝浪破
上下格東數百里
雷霆奔胎簪之水
性慄悍其力能刷

金河渾重防疊障苦束縛有若熊虎羈其蹠誰歟口腹
能吐吞龜山下有洪湖屯近因轉漕用屏灌滙黃舊路
幾無存宜其高堰歲欲潰億萬命懸消長痕泥沙日塞
湖日智偪仄已到鯢桓潘今秋黃決入湖去河伯欲與
支祁言上游潦積等溟渤以舟闖入蘆花藩窮一晝夜
甫達岸云此卑淺無足論中流卻顧渺瀰處翦翦尙露
黃梁根老漁遠近布宜網農父逃竄攜兒孫側聞激流
埽濁昏昔何如蓋今如盆轉禍爲福悉天幸 聖德廣
覆流仁恩重臣新奏治河策星使絡繹窮根源竚看黃

木下目送卷之三
五
順淮亦順水歸其壑稼被原蠟珠可佩魚可殮不須春
漲愁昆侖

海鵠

海鵠排雲矯不羣其聲一一上清聞常嗟隨陸不能武
莫效王揚空屬文醉後短衣堪射虎時來羽扇亦揮軍
清談隊裏排矛戟鐵馬叢中說典墳

北沙河

寒山碧於雲朵朵落平地清流帶沙渚冰雪結其裔馬
蹄波離風人影鏡面字稍稍沙坡陀悠悠緩征轡忽見

西歸雅萬墨溼空翠枯柳抱村紅中有夕照醉

所見

奇肱之車渥洼馬羽林孤兒飲飛者黃塵合處夕陽下
一隊鷹鷂落平野弓如霹靂刀如風舉刀一劃百里紅
草閒孤兔那足射欲斬六鼈滄海東澹臺古冶能屠龍
壯夫豈畏波濤洶勸君痛飲荔支酒睡過重洋莫回首
旅壁有題曰秋蝶夢春花惜詩未佳作此和之
依舊好樓臺繁紅寂不開舞衣休再著團扇苦相猜花
月三生忤風霜兩翼摧昨宵曾夢見歌管送春來

何堪

浮水仍飢已不支何堪風鶴益危疑
盲來差幸駒生犢嘯罷深憐馬踐葵
荆棘旅生何術翦珠犀夜饋有天知
听听多狗昏昏獵絕倒支離攘臂時

程侍郎遺集卷三

譚瑩玉生覆校